

Pa gen bòdwo sipriz - pasyan an bezwen kopi avi/tèks

Ou pwoteje kont fakti depase pou:

Sèvis Ijans

Si ou gen yon ijans medikal pou kesyon maladi epi w resevwa sèvis ijans nan men yon pwofesyonèl swen sante oswa sant sante ki pa nan rezo a, pi plis lajan pwofesyonèl swen sante oswa sant sante a ka voye fakti pou ou se lajan patisipasyon ou bay nan plan asirans ou an (tankou kopeman ak koasirans lan). Yo pa kapab voye fakti ki depase pou ou pou sèvis ijans sa yo.

Sa gen ladan li sèvis ou kapab resevwa aprè eta sante ou fin estab, amwenske ou bay konsantman ou alekri epi w renonse ak asirans sante ou an ki pwoteje ou pou yo pa voye fakti ki depase pou sèvis aprè w fin estab sa yo.

Kèk sèvis nan yon sant ospitalye oswa nan yon sant chirijikal anbilatwa

Lè w ap resevwa sèvis nan yon lopital oswa nan yon sant chirijikal anbilatwa ki nan rezo a, kèk nan pwofesyonèl swen sante ki la yo kapab pa nan rezo a. Nan ka sa yo, pifò pwofesyonèl sa yo kapab voye fakti pou ou k ap egal ak montan ou konn peye pou frè patisipasyon nan pri asirans sante ou an.

Sa aplikab pou medsin ijans, anestezi, patoloji, radyoloji, laboratwa, newonatal, asitan chirijyen, espesyalis swen ospitalye oswa medsen espesyalis sèvis swen entansif.

Pwofesyonèl swen sante sa yo pa kapab voye fakti ki depase pou ou epi yo pa kapab mande pou w renonse ak pwoteksyon ou genyen kont fakti depase yo. Si w resevwa lòt sèvis nan sant sa yo ki nan rezo a, pwofesyonèl swen sante ki pa nan rezo a pa kapab voye fakti depase pou ou, sof si w bay konsantman ou alekri epi renonse ak pwoteksyon ou genyen yo.

Yo pa janm mande ou pou w renonse ak pwoteksyon ou genyen kont fakti ki depase yo. Epitou w pa gen obligasyon pou w ale pran swen yon kote ki pa nan rezo a. Ou kapab chwazi yon pwofesyonèl swen sante oswa sant sante ki nan rezo plan asirans ou an.

Lè yo pa otorize pou voye fakti ki depase pou ou, ou gen pwoteksyon sa yo:

- Ou se sèl moun ki responsab pou peye pou frè patisipasyon ou yo (tankou kopeman, koasirans, ansanm ak dediktib yo ou ta dwe peye si pwofesyonèl swen sante an oswa sant sante te nan rezo a). Plan asirans sante ou an pral peye pwofesyonèl swen sante a ansanm ak sant sante yo ki pa nan rezo a dirèk.

- Jeneralman asirans sante ou an:

- o li dwe garanti sèvis ijans yo san mande pou gen otorizasyon alavans pou resevwa sèvis yo (otorizasyon davans).

- o li dwe garanti sèvis ijans pwofesyonèl swen sante ki pa nan rezo yo bay.

- o li dwe baze sou sa ou dwe peye pwofesyonèl swen sante oswa sant sante a (lajan patisipasyon) sou sa li ta dwe peye yon pwofesyonèl swen sante oswa sant sante ki nan rezo a epi montre montan sa a nan dokiman ki dekri avantaj yo.

- o li dwe konte tout kantite lajan ou peye pou sèvis ijans oswa sèvis ki pa nan rezo a nan kalkil dediktib ou yo ansanm ak limit depans ou.

Si w panse yo pa byen faktire ou pou sèvis yo, ou kapab rele nan **800-985-3059**. Vizite [cms.gov/nosurprises](https://www.cms.gov/nosurprises) pou jwenn plis enfòmasyon sou dwa w yo selon lwa federal.